

Retningslinjer for barnevernsutvalet i Samnanger kommune

(vedtekne av kommunestyret 20.10.2022 i sak KS-065/2022)

Føremål

Samnanger kommune har eit barnevernsutval som kan gje barnevernet råd i saker som kan førebyggja at barn og unge vert utsette for omsorgssvikt eller utviklar åtferdsproblem. Utvalet skal gje råd i vanskelege saker (jf. «Mål og retningslinjer for barnevernet»). Primært gjeld det saker som kan medføra tvangstiltak. Utvalet har ikkje vedtaksmynde.

Samansetjing

Barnevernsutvalet har fire medlemmer. Desse skal gjennom utdanning og praksis ha bakgrunn frå fagområde som er særleg relevante for barnevernet. Medlemmene i utvalet skal ikkje vera tilsette i Samnanger kommune.

Val

Utvalet vert valt av kommunestyret. Med varighet på to år blir følgjande fagpersonar valt:

- Psykologspesialist Heidi Wittrup Djup
- Spesialrådgjevar/stipendiat Tommy Thompson
- Advokat Gro Hillestad Thune
- Advokat Geir Kjell Andersland

Utvalet vel sjølv leiar og konstituerer seg elles så langt som det trengst.

Sakshandsaming

Barnevernsutvalet kjem i funksjon ved at barnevernsleiaren vender seg til leiaren i barnevernsutvalet og ber om råd. Leiaren i utvalet kallar deretter inn til møte så snart som mogeleg. Barnevernsleiaren på si side pliktar å be om råd så snart han vurderer tvangstiltak for eit barn. Ved akuttvedtak i barnevernet må konsultasjonen skje innan to dagar etter at atakuttvedtaket er gjort.

Barnevernsutvalet held så mange møte som det trengst, og avgjer sjølv arbeidsforma si. Leiaren i utvalet og barnevernsleiaren vert einige om kva fristar som må setjast for utvalet sitt arbeid.

I tillegg vert det halde eitt møte kvart halvår der rådmann, kommunalsjef, barnevernsleiar og barnevernsutvalet tek del. Rådmannen kallar inn. Føremålet er overordna dialog.

Det skal også haldast tre faste møte kvart halvår der barnevernsleiar (og øvrige barnevernstilsette etter avtale) møter saman med barnevernsutvalet. Hovudføremålet med desse møta er systematisk utvikling av barnevernet i Samnanger. Barnevernsleiar kallar inn.

Barnevernsutvalet syter for sekretær til møta dei arrangerer eller tek del i, og fakturerer barnevernstenesta for medgått tid.

Teieplikt og personvern

Barnevernsutvalet får fullt innsyn i sakene det handsamar, og medlemmene har same teieplikt som barnevernet, i samsvar med føresegnene i barnevernloven og forvaltningsloven.

Godtgjersle

Fagmedlemmene i utvalet får betaling på grunnlag av fakturert tidsbruk.

Finansiering

For 2021 skal finansiering av barnevernsutvalet inngå i driftsbudsjett for barnevernet. For 2022 og dei eventuelt kommande åra skal finansiering av barnevernsutvalet inngå som sjølvstendig post i budsjett- og økonomiplan.

Evaluering

Barnevernsutvalet skal evaluerast i løpet av vårhalvåret 2024.